

1901  
LETTRE

D'VNE

RELIGIEVSE

PRESENTEE AV ROY

ET A LA REINE REGENTE

le premier Fevrier 1649. pour  
obtenir la Paix.



A PARIS,

Chez Guillaume Saffier, Imprimeur & Libraire  
ordinaire du Roy, proche Sorbonne, aux  
deux Tourterelles.

---

M. DC. XXXIX.

*Avec Permission.*

LETTER

RECEIVED


THE PRESIDENT OF THE  
THE AMERICAN REFORMATION  
The President of the  
The American Reformation



APRIL

THE AMERICAN REFORMATION  
THE AMERICAN REFORMATION  
THE AMERICAN REFORMATION  
THE AMERICAN REFORMATION





# LET TRE

D'VNE

## RELIGIEVSE

PRESENTEE AV ROY

ETA LA REINE REGENTE

le premier Fevrier 1649. pour obtenir  
la Paix.



A D A M E,

Si l'Esprit de Dieu n'estoit courageux & charitable, les pensées d'une pauvre Religieuse ne forçeroit pas aujourd'huy son humeur & sa closture pour aborder le Thrône de vos Majestés, & y porter le sang & les larmes de vostre capitale ville, les gemissemens de tout vn peuple, & la mort de plusieurs Innocens, qui perissent, apres auoir voüé leurs cœurs & leurs vies à vos Majestés: Tous ceux qui ont pleuré de joye à la souhaitée grossesse de vostre Majesté, MADAME, & à vostre heureuse nais-

A



sance, SIR E, bleussissent à present d'hor-  
 reur & de misere, au sentiment des vengean-  
 ces ou des punitions que vous prenez sur  
 ceux qui n'ont jamais eu de mouuement, qui  
 n'ait esté zelé & fidelle à vostre seruice: Tout  
 ne retentit icy que les alarmes & le desordre;  
 le bruit des tambours & trompettes aneantit  
 le son des cloches; & il n'est pas jusques aux  
 cheres Epouses de mon vnique Maistre, qui  
 ne se ressentent de la cruauté du temps; les  
 Maisons saintes sont abandonnées, comme  
 les plus sujetes à l'insolence du Soldat, ou cô-  
 me destituées de se pain cotidien, que le cou-  
 rroux de vostre Majesté nous rend si rare; En  
 fin, MADAME, il semble que le Demon por-  
 tant enuie à la bonté de vos œuures passées,  
 veut à present établir la tyranie de son regne  
 sur la seuerité du vostre. Il est vray que quand  
 le Turc auroit enuoyé ces Satelites dans ce  
 Royaume, il n'auroit pas épandu tant de tri-  
 stesse, d'ennuy, de soupirs & de disette, qu'v-  
 ne Reinetres Chrestienne & tres-deuote en  
 a causé depuis son courroux. Et vous grand  
 Roy, de qui l'âge est incapable de mal, faut il  
 que vostre innocence voye la perte d'un Estat  
 mal-traitté, sans que le Ciel, Protecteur des  
 Couronnes legitimes en arreste la fatale de-  
 solation. SIR E, ie veus attendre avec extré-  
 me



me confiance, que celuy qui dispose des euene-  
mens, accordera à nos vœux & à vostre Majesté  
tout ce qui sera necessaire à la durée de sa gloire,  
& au prompt alegement des membres du Sei-  
gneur: M A D A M E, si toutes les fois que nous  
offençons Dieu il exterminoit le pecheur, il y a  
long temps que la nature humaine n'auroit plus  
d'existence çà bas; mais la misericorde estant vn  
des plus adorables attributs de son essence infi-  
nie; il semble que les Rois, à qui il a communi-  
qué avec profusion ces graces & son éclat, à son  
exemple la doiuent exercer, malgré les plus for-  
tes resistences d'une passion esrenée; c'est vn ef-  
fet de grâdeur de pardonner, & vn ouurage Royal  
de pouruoir à la conseruation de ses sujets: M A-  
D A M E, vostre Majesté n'ignore pas qu'une  
ame n'excede la valeur de mille mondes, & s'il  
estoit en nous d'en sauuer vne seule, il faudroit  
donner à cette conqueste tous les soins & toutes  
les ardeurs imaginables; Que vostre Majesté  
voye dans l'examen de sa pure conscience l'état  
d'une Regence si hautement applaudie, & elle  
verra en tres petit espace la foule desesperée  
d'un grand nombre d'opressés & de souffrans, qui  
sacrifient à tous momens au desespoir & à la rage.  
Peu de personnes vsent Chrestienement d'une  
pauvreté afreuse, la faim est vn dangereux enne-  
my, & vn étrange directeur: si bien que nous



pouons que vostre Majesté l'introduisant au Royaume de son fils, se sert d'un executeur trop impitoyable; & outre que les moins factieux sont dans cette récontre les plus attaqués: MADAME, j'estime que vostre creance n'est pas assurée des calamités publiques; puis que vostre pieté ny celle de vos Confesseurs n'en souffriroit pas la continuation: Mais j'ay de la peine aussi à me persuader que les mouuemens que le S. Esprit a si souuent inspirés chés vous, n'ait pénétré à cet heure jusques au plus profond de nos miseres, pour vous en représenter la violence, & obtenir de vostre vertu le remede que vous deués au bon-heur de vos jours, & au repos des nostres. Iudic dans son veuf âge donna la liberté au peuple de Bethulie, cette genereuse Dame s'exposa pour le salut de son país: MADAME, avec moins d'effort vostre Majesté encherira sur les merueilles de cette sainte liberatrice. Il n'est pas besoin d'une sanglante effusion, il suffit seulement qu'il vous plaise d'apaiser vostre colere, de regarder vn peuple accablé, & vn Estat en proye; car il semble que nous ayons à craindre vne ruine ineuitable, s'il ne vous plait d'vser des armes de la France à l'honneur de sa conseruation, & non à la confusion de ces mesmes forces. Que vostre Majesté me pardonne, s'il luy plaist, si j'ose la supplier de se souuenir des gra-



ces qu'elle a receuës; cette mesme puissance qui la renduë mere & absoluë, n'a rien perdu de ces bontés ny de ces grandeurs; & il y a encore des biens à pretendre au dessus d'une couronne temporelle, & d'un Sceptre de roseau: MADAME, que vostre Majesté y pense s'il luy plaist; & diminuant ces alterations funestes, elle posera au pied de la Croix, & dans le fiel & le vinaigre du Sauueur, toutes les aigreurs qui la rendent ingratitude à son souuerain, & insensible & inexorable aux larmes des Iustes; C'est sans doute: MADAME, que parmy tant de blessés il s'en trouue quel qu'un qui merite vn traitemēt plus doux, & c'est au nom de ceux là que ie demande à vostre Majesté vn retour aduantageux, vn pardon au coupable & à l'innocent, & vne resolution de paix & de charitable dilection pour tous ceux qui ne peuuent viure priués de cette douceur; Et dans se sentiment pieux, vostre Majesté rétablira les Monasteres & le culte de Dieu, & gaignera sur tous les cœurs vn droit que le Seigneur luy conseruera pendant sa vie; & apres cela la comblera des felicités inalterables, que ie luy souhaite, comme estant la plus fidele de ces tres-humbles seruantes

S. D. N.

